

	<h1>SLUŽBENE NOVINE OPĆINE GORAŽDE</h1>	
Godina III	19. Maj 2010. GORAŽDE	Broj 8

0409

Na osnovu članova 8. i 13. Zakona o principima lokalne samouprave u Federaciji BiH („Službene novine Federacije BiH“ broj: 49/06), člana 28. stav 4. i člana 30. Zakona o zaštiti i dobrobiti životinja („Službeni glasnik BiH“ broj: 25/09) i članova 18. i 84. Statuta Općine Goražde („Službene novine Bosansko-podrinjskog kantona Goražde“ br. 13/07), Općinsko Vijeće Općine Goražde, na dvadesetoj redovnoj sjednici, održanoj dana 06.05.2010.godine, **donosi:**

O D L U K U

o držanju pasa, registraciji i načinu postupanja s neupisanim, napuštenim i izgubljenim psima

I - PREDMET

Član 1.

Ovom Odlukom reguliše se: način držanja pasa, registracija pasa u smislu njihovog držanja, način postupanja s neupisanim, napuštenim i izgubljenim psima, njihovo prikupljanje i smještaj u sklonište/azil za životinje, kao i uvjeti koje pravno ili fizičko lice mora ispunjavati za dodjelu ovlaštenja za registraciju pasa.

II - DEFINICIJE POJMOVA

Član 2.

Pojedini pojmovi iz ove odluke imaju slijedeće značenje:

1. „Odgajivači“ su fizička ili pravna lica registrovana kod nadležnog organa za djelatnosti odgajanja pasa i podizanja mladunčadi pasa, koji tu djelatnost obavljaju u registrovanim objektima;
2. „Vlasnik-držalac“ je fizičko lice ili pravno lice koje je vlasnik psa, što dokazuje izvršenom registracijom psa na svoje ime i koji faktički drži psa i vodi brigu o njemu s namjerom da se bavi uzgajanjem, zaštitom, druženjem, upotrebom, obučavanjem ili prodajom psa;
3. „Pravno lice sa javnim ovlaštenjem“ je društvo kojem je Odlukom dodijeljeno javno ovlaštenje za registraciju pasa i ugradnju čipova;
4. „Neregistrovani psi“ su psi koji nisu prijavljeni;
5. „Napušteni psi“ su psi koji nisu pod kontrolom vlasnika/ držaoca;
6. „Izgubljeni psi“ su psi koji nisu pod kontrolom vlasnika-držaoca, a koje vlasnik-držalac traži i ima namjeru da se o njima i dalje stara;
7. „Sklonište za životinje/azil“ su prostori u kojima se smještaju pronađene napuštene, izgubljene životinje na daljnju brigu i moguće udomljavanje.

III DRŽANJE PASA

Član 3.

Dozvoljeno je držati psa koji je cijepjen, mikročipovan i upisan u registar pasa.

Dozvoljen broj pasa, starosti preko 4 mjeseca koje vlasnici-držaoци mogu držati u stanovima je jedan, a u kućama tri psa.

Vlasnik-držalac može podnijeti zahtjev Službi za prostorno uređenje i komunalne poslove za dobijanje odobrenja za držanje većeg broja pasa od onog predviđenog stavom 1. ovog člana ukoliko za to posjeduje uvjete.

Pod uvjetima za dobivanje odobrenja iz stava 2. ovog člana podrazumijevaju se, pored veterinarsko-sanitarnih i tehničkih uvjeta i vrsta pasa kao i njihovo ponašanje.

Ove uvjete utvrđuje stručna komisija koju imenuje načelnik na prijedlog nadležne službe iz stava 2. ovog člana.

Odgajivači pasa koji drže veći broj pasa nego što je to predviđeno stavom 1. ovog člana mogu držati pse u za to registrovanim objektima, a broj pasa koji mogu držati zavisi od veličine i uvjeta objekta u skladu sa veterinarsko- sanitarnim propisima.

Član 4.

Vlasnik-držalac psa je dužan osigurati da pas ne ometa kućni red i mir trećih lica, te se pas mora držati na način da ne ugrožava ličnu sigurnost i imovinu trećih lica.

Vlasnik / držalac čiji pas učestalim i dugotrajnim lajanjem i zavijanjem remeti kućni red i mir trećih lica dužan je odmah poduzeti odgovarajuće mjere kako bi spriječio dalje uznemiravanje ili je dužan ukloniti psa.

Član 5.

Opasan pas mora biti držan u prostoru ili objektu iz kojeg ne može pobjeći, a na ulazu mora biti vidljivo istaknuto upozorenje „Opasan pas“. Ulazna vrata moraju biti zaključana.

Izvođenje opasnog psa na javne površine dozvoljeno je samo sa zaštitnom korpom i povodcem, od strane punoljetnog lica.

Ostali psi moraju se izvoditi na javne površine na povodcu i vidno obilježeni privjeskom koji izdaje ovlašteno pravno ili fizičko lice.

Pod opasnim psom u smislu stavova 1. i 2. ovog člana podrazumijevaju se agresivni i ujedljivi psi.

Agresivnost i ujedljivost pasa procjenjuje sam vlasnik psa, na vlastitu odgovornost.

Član 6.

Zabranjeno je izvoditi pse na javna mjesta kao što su državne kancelarije, zdravstvene ustanove, prodavnice, pijace, pozorišta i bioskopi, vjerske ustanove, groblja, javni prevoz, kao i na javne skupove, svečanosti i priredbe, dječija igrališta, te ugostiteljske objekte na kojima je vidljivo istaknuta zabrana uvođenja pasa.

Zabrana iz stava 1. ovog člana ne odnosi se na pse vodiče slijepih lica kao i službene pse.

Vlasnici-držaoци pasa mogu pse pustiti bez povodca da se slobodno kreću na mjestima koja su za to određena i vidno obilježena.

Član 7.

Zabranjeno je napuštanje psa, a u slučaju da se pas izgubi, vlasnik-držalac psa dužan je o tome obavijestiti pravno ili fizičko lice ovlašteno za zbrinjavanje pasa u roku od 24 časa od momenta njegovog nestanka.

Član 8.

Vlasnik-držalac psa dužan je nositi pribor za čišćenje psećih fekalija i čistiti površine koje služe kao zajednički dijelovi zgrada, stubište, ulaz i dvorište te javne površine, ako ih je njegov pas zagadio.

Član 9.

Vlasnik koji drži psa u ograđenom dvorištu ili ograđenom prostoru zajedničkog dvorišta na vidljivo mjesto mora staviti oznaku koja upozorava na psa (*oštar pas, čuvaj se psa* i sl.) te imati ispravno zvono na ulaznim dvorištima vratima.

Ako je pas vezan u dvorištu, lanac ne smije biti kraći od 3 (tri) metra i mora omogućavati psu horizontalno kretanje putem viseće žice, a pseća kućica mora biti zaštićena od vlage i hladnoće i po veličini mora biti primjerena veličini psa.

Kada pas nije vezan lancem nego je smješten u boks, površina boksa mora iznositi najmanje 3m².

U neograđenom dvorištu pas mora biti vezan, a u zajedničkim prostorijama zgrade pas se ne smije držati niti ostavljati.

V REGISTRACIJA PASA

Član 10.

Registracija pasa u smislu prijave za njihovo držanje je obavezna i vodi se u cilju kontrole populacije pasa, a istu vlasnik-držalac psa obavlja kod pravnog lica kojem je dodjeljeno ovlaštenje u

roku od 7 dana od dana nabavke psa. Registracija pasa podrazumjeva unošenje podataka o vlasniku psa, mikročipovanju, nestanku psa odnosno njegovom brisanju iz evidencije.

Prilikom registracije pasa vlasnici-držaoci pasa plaćaju godišnju taksu u iznosu od 25,00 KM, koja se uplaćuje na račun Budžeta Općine Goražde.

Sredstva prikupljena od taksi koriste se isključivo za kontrolu populacije pasa.

Ovlašćuje se JP „Veterinarska stanica“ d.o.o. Goražde da vrši poslove registracije pasa.

Cjenovnik usluga registracije JP iz predhonog stava ovog člana je dužno prije primjene zatražiti saglasnost Općinskog vijeća Općine Goražde.

VI SAKUPLJANJE PASA

Član 11.

Neregistrovane, napuštene i izgubljene pse sakupljaju ovlašćeni zaposlenici pravnog ili fizičkog lica kojima je dodijeljeno pravo sakupljanja i udomljavanja pasa, uz upotrebu savremene opreme i na način da životinji ne nanose bol ili, ukoliko je to nužno, da ga nanose u najmanjoj mogućoj mjeri i smještaju ih u sklonište/azil za životinje.

Do davanja ovlaštenja pravnoj ili fizičkoj osobi, brigu oko sakupljanja pasa i drugih životinja iz stava 1. ovog člana, preuzima nadležna služba Općine Goražde.

Zabranjeno je drugim fizičkim i pravnim licima sakupljanje neregistrovanih, napuštenih i izgubljenih pasa i postupanje s njima.

Član 12.

Ovlašteno pravno ili fizičko lice sa javnim ovlašćenjem može na zahtjev vlasnika preuzeti i smjestiti u sklonište/azil i životinju o kojoj vlasnik ne može da se brine.

U slučaju iz stava 1. ovog člana, vlasnik životinje mora pored ličnih podataka dati i izjavu kojom se odriče vlasništva nad životinjom te predati svu dokumentaciju o životinji.

Troškove sakupljanja i smještaja u sklonište/azil izgubljenih pasa koji su registrovani snose vlasnici, držaoci pasa u visini 50 KM do tri dana boravka u skloništu, a za svaki naredni dan dodatnih 30 KM.

Sredstva iz prethodnog stava vlasnik-držalac psa uplaćuje vlasniku skloništa kome je dato ovlaštenje za obavljanje ovih poslova.

Član 13.

Vlasnik azila dužan je obavijestiti vlasnika izgubljenog psa o pronalasku istog u roku od 48 sati.

Imalac psa ima pravo zahtijevati pravo na povrat životinje koja je nađena i smještena u sklonište osam (8) dana od dana smještaja u sklonište, u protivnom se pas može udomiti.

Nepreuzrti pas iz skloništa/azila od strane vlasnika/držaoca, u roku od 8 dana od dana prijema obavještenja da je pas pronađen i smješten u sklonište/azil, smatra se napuštenim psom.

Lice koje udomi pronađenog psa dužno je potpisati izjavu o udomljavanju psa.

VII SKLONIŠTE/AZIL ZA ŽIVOTINJE

Član 14.

Sklonište za životinje može osnovati fizičko ili pravno lice u skladu sa uvjetima koje propisuje organ javne uprave nadležan za poslove veterinarstva.

Ako nije osnovano sklonište za životinje u skladu sa stavom 1. ovog člana na području općine ili kantona ili ovi poslovi nisu povjereni putem tendera ovlaštenom fizičkom ili pravnom licu za obavljanje ovih poslova, njegovo osnivanje i rad finansira se iz Budžeta Općine i Kantona.

Član 15.

Vlasnik skloništa za životinje dužan je:

1. primati prijave o napuštenim i izgubljenim životinjama,
2. osigurati smještaj izgubljenih i napuštenih životinja,
3. osigurati veterinarsko-zdravstvenu zaštitu životinja,
4. tražiti vlasnike napuštenih ili izgubljenih životinja ili ih nastojati udomiti,
5. voditi evidenciju o pronađenim životinjama, njihovom zbrinjavanju i usmrćivanju,
6. provoditi mjere koje odredi veterinarska inspekcija i saradivati sa tijelima javne uprave,
7. osigurati dovoljnu količinu hrane i vode za životinje,
8. angažovati se na udomljavanju životinja i pronalaženju njihovih vlasnika,
9. mikročipovati svaku pristiglu životinju ako ona nije već čipovana,
10. izvršiti obaveznu sterilizaciju i kastraciju svih pristiglih životinja smještenih u sklonište.

Član 16.

„Napušteni psi se nakon prikupljanja sa javnih površina smještaju u higijenske servise za zbrinjavanje pasa, ako su ti servisi osnovani.

U higijenskom servisu za zbrinjavanje pasa psi se mogu držati do 30 dana, nakon čega se predaju u sklonište za životinje ili se usmrćuju, ako se ne vrate vlasniku.

Usmrćivanje pasa provodi veterinar, ukoliko se utvrdi:

1. da je pas obolio, a da bi liječenje bilo dugotrajno, povezano s patnjama i neizvjesno,
2. da je pas dostigao duboku starost,
3. da je takav postupak neophodan zbog provođenja mjera za otkrivanje, sprečavanje, suzbijanje i iskorjenjivanje bolesti u skladu sa propisima iz oblasti veterinarstva, posebno onih koje mogu ugroziti ljude ili nanijeti veliku materijalnu štetu,
4. da je pas opasan za okolinu.

Usluge eutanazije/usmrćivanja životinje u slučaju poznatog vlasnika snosi vlasnik životinje, a u slučaju napuštene životinje se reguliše u skladu sa provedbom članova 12, 14. i 15. Odluke.

Član 17.

Životinja iz skloništa/azila koja se ne vrati vlasniku, odnosno napuštena životinja koju nije moguće dalje držati ili udomiti, može se do 30 dana usmrtiti na osnovu odluke vlasnika životinje i preporuci veterinara, odnosno na osnovu odluke ovlaštenog veterinara u slučaju napuštene životinje.

VIII PRAVNO ILI FIZIČKO LICE SA JAVNIM OVLAŠTENJEM**Član 18.**

Postupak odabira pravnog ili fizičkog lica radi davanja ovlaštenja za pružanje usluga zbrinjavanja pasa u higijenske servise i skloništa/azile vrši se u skladu sa Zakonom o javnim nabavkama u BiH.

Član 19.

Pravno i fizičko lice koje je dobilo ovlaštenje mora ispunjavati opće i posebne uvjete:

1. Opći uvjeti:

- a) da je registrovano za obavljanje djelatnosti zaštite životinja kod nadležnog organa,

- b) da ima sjedište/prebivalište u BiH,
- c) da se protiv istog ne vodi krivični postupak ili prekršajni postupak koji je u vezi sa obavljanjem djelatnosti zaštite životinja.

2. Posebni uvjeti:

- a) da posjeduje registrovan objekat za zbrinjavanje pasa,
- b) da posjeduje savremenu opremu za hvatanje pasa, (mreža, transport, kavezi, zamke i sl. a za agresivne životinje: pištolji, puške i duvaljke za omamljivanje),
- c) da je sposoban za vođenje baze podataka o psima i vlasnicima-držaocima pasa.

IX KAZNE NE ODREDBE**Član 20.**

Novčanom kaznom u iznosu od 100,00 do 1000,00 konvertibilnih maraka kaznit će se za prekršaj vlasnik-držalac životinja:

1. ako opasnog psa ne drži u prostoru ili objektu ili ga izvodi na javne površine bez zaštitne korpe i povdca na način predviđen članom 5. stavovi 1. i 2. ove Odluke;
2. ako drži psa na način koji ugrožava ličnu sigurnost i imovinu građana (član 4.);
3. ako napusti psa ili ne prijavi izgubljenog psa (član 7.)

Član 21.

Novčanom kaznom u iznosu od 50,00 konvertibilnih maraka, kaznit će se vlasnik-držalac životinja za prekršaj:

1. ako drži veći broj pasa od predviđenog članom 3.odluke,
2. ako njegov pas ometa kućni red i mir trećih lica (član 4),
3. ako izvodi psa na javna mjesta iz člana 6. odluke,
4. ako ne čisti površine koje je njegov pas zagadio (član 8),
5. ako ne drži psa u ograđenom dvorištu ili prostoru uz istaknutu oznaku kojom upozorava na psa ili u neograđenom dvorištu ne drži psa vezanog ili drži psa u zajedničkim prostorijama zgrade (član 9),
6. ako ne izvrši registraciju psa u smislu člana 10. odluke.

X NADZOR**Član 22.**

Nadzor nad provođenjem odredaba ove Odluke vršit će nadležni komunalni i veterinarski inspektori.

XI PRELAZNE I ZAVRŠNE ODREDBE**Član 23.**

Primjena kaznenih odredbi iz članova 20. i 21. ove odluke započinje 90 (devedeset) dana po stupanju na snagu ove odluke.

U periodu od stupanja na snagu ove odluke do početka primjene kaznenih odredbi načelnik općine Goražde će organizovati javnu kampanju s ciljem upoznavanja građanstva sa sadržajem ove odluke.

Član 24.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-2325

Datum, 11.05.2010. godine

PREDSJEDAVALA VIJEĆA

prim.dr.Vesna Nemeć-Klisura

0410

Na osnovu člana 18. i 84. Statuta Općine Goražde („Službene novine Bosansko – podrinjskog kantona Goražde“, broj: 13/07) i Poslovnika Općinskog vijeća Općine Goražde („Službene novine Općine Goražde“, broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **donosi**:

O D L U K U**o bratimljenju Općine Goražde sa Općinom Gungoren – Turska****Član 1.**

Općina Goražde se bratimi sa Općinom **GUNGOREN – TURSKA**.

Član 2.

Daje se saglasnost načelniku Općine Goražde za potpisivanje sporazuma o bratimljenju grada GUNGOREN iz Turske i Općine Goražde.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-2318

Goražde, 11.05.2010. godine

PREDSJEDAVALA VIJEĆA

prim.dr.Vesna Nemeć-Klisura

0411

Na osnovu člana 174. i člana 184. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03 i 22/06), Odluke o uvjetima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća („Službene novine Federacije BiH“, broj: 46/05 i 61/07), člana 10. i člana 49. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Goražde „Službene novine Općine Goražde“, broj: 07/09) i člana 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **donosi**:

ODLUKU**o davanju saglasnosti na Program razvoja zaštite i spašavanja od prirodnih i drugih nesreća u Općini Goražde za razdoblje od 2010. do 2014. godine****Član 1.**

Daje se saglasnost na Program razvoja zaštite i spašavanja od prirodnih i drugih nesreća u Općini Goražde za razdoblje od 2010. do 2014. godine.

Član 2.

Ukupna vrijednost Programa iz člana 1. ove Odluke iznosi 703.000,00 KM.

Član 3.

Program iz člana 1. ove Odluke sastavni je dio ove Odluke.

Član 4.

Godišnje planove korištenja sredstava za zaštitu i spašavanje po osnovu ovog Programa donosi načelnik Općine, na osnovu dobijenog pozitivnog mišljenja Općinskog štaba civilne zaštite Općine

Goražde, a na prijedlog Službe civilne zaštite Općine Goražde.

Član 5.

Za provedbu ove Odluke zadužuje se Služba civilne zaštite Općine Goražde.

Član 6.

Godišnji izvještaji o prikupljenim, raspodijeljenim i korištenim sredstvima podnosi se Štabu civilne zaštite Općine Goražde i općinskom načelniku.

Član 7.

O utrošku sredstava iz člana 1. ove Odluke načelnik Općine će izvještavati Općinsko vijeće.

Član 8.

Ova Odluka stupa na snagu osam dana od dana objavljivanja u "Službenim novinama Općine Goražde".

Broj: 01-02-2321

Goražde, 11.05.2010.godine

PREDSJEDAVAJUĆA VIJEĆA

prim.dr.Vesna Nemec-Klisura

0412

Na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na dvadesetoj redovnoj sjednici, održanoj 06.05.2010. godine,

d o n o s i:

O D L U K U

o usvajanju Programa utroška novčanih sredstava sa ekonomskog koda 614 – 117 - grantovi mjesnim zajednicama u 2010. godini

Član 1.

Usvaja se Program utroška novčanih sredstava sa ekonomskog koda 614 – 117 – grantovi mjesnih zajednica.

Član 2.

Program iz člana 1. ove Odluke sastavni je dio Odluke.

Član 3.

Sredstva iz člana 1. ove Odluke isplatit će se na teret Budžeta Općine Goražde, ekonomski kod 614 – 117 – Grantovi mjesnim zajednicama u 2010. godini u iznosu od 80.000.00 KM.

Član 4.

Dodjelu novčanih sredstava odobrava načelnik Općine Goražde na prijedlog Službe za finansije, privredu i mjesne zajednice.

Član 5.

Za provedbu ove Odluke zadužuju se načelnik Općine Goražde i Služba za finansije, privredu i mjesne zajednice.

Član 6.

O utrošku sredstava iz člana 1. ove Odluke Služba za finansije, privredu i mjesne zajednice podnosi izvještaj Općinskom vijeću.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-2326

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemec-Klisura

0413

Na osnovu članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i:**

O D L U K U

o usvajanju Programa uređenja grada i ostalih naselja u 2010. godini

Član 1.

Usvaja se Program uređenja grada i ostalih naselja na području općine Goražde u 2010. godini u iznosu od 50.000,00 KM.

Član 2.

Troškovi Programa uređenja grada i ostalih naselja u 2010. godini predviđeni u članu 1. ove Odluke planirani su u Budžetu Općine Goražde za 2010. godinu na ekonomskom kodu 614 – 418 – 4 Uređenje grada i prigradskih naselja.

Član 3.

Za provođenje ovog Programa, koji će realizovati putem nadležnih službi, zadužuje se načelnik Općine Goražde.

Član 4.

Sastavni dio ove Odluke je Program uređenja grada i ostalih naselja sa finasijskim pokazateljima u 2010. godini.

Član 5.

Nadzor nad izvođenjem radova izvršit će komisija koju će formirati načelnik Općine.

Član 6.

Ova Odluka stupa na snagu osmog dana od dana objavljivanja u "Službenim novinama Bosansko-podrinjskog kantona Goražde".

Broj: 01-02-2323
Goražde, 11.05.2010. godine
PREDSJEDAVALA VIJEĆA
prim.dr.Vesna Nemeć-Klisura

0414

Na osnovu članova 18. i 84. Statuta Općine Goražde („Službene novine Bosansko – podrinjskog kantona Goražde“, broj: 13/07) i Poslovnika Općinskog vijeća Općine Goražde („Službene novine Općine Goražde“, broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i**:

O D L U K U
o bratimljenju Općine Goražde
sa Općinom Kecioren – Turska

Član 1.

Općina Goražde se bratimi sa Općinom **KECIOREN – TURSKA.**

Član 2.

Daje se saglasnost načelniku Općine Goražde na potpisivanje sporazuma o bratimljenju grada **KECIOREN** iz Turske i Općine Goražde.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-2319
Goražde, 11.05.2010. godine
PREDSJEDAVALA VIJEĆA
prim.dr.Vesna Nemeć-Klisura

0415

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i Poslovnika Općinskog vijeća Općine Goražde („Službene novine Općine Goražde“ broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010.godine, **d o n o s i**:

O D L U K U
o prihvatanju inicijative Grada Saint- Brieuc
(Francuska) za potpisivanje povelje o saradnji i
prijateljstvu sa Općinom Goražde

Član 1.

Općina Goražde se bratimi sa gradom **SAINT-BRIEUC - FRANCUSKA**

Član 2.

Daje se saglasnost načelniku Općine Goražde na potpisivanje Povelje o saradnji i prijateljstvu grada Saint-Brieuc iz Francuske i Općine Goražde.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02- 2320
Goražde, 11.05.2010.godine
PREDSJEDAVALA VIJEĆA
prim.dr.Vesna Nemeć-Klisura

0416

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“ broj: 13/07), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i:**

O D L U K U

o usvajanju Programa pružanja usluga komunalne zajedničke potrošnje za 2010. godinu na području grada Goražda i naselja Vitkovići

Član 1.

Daje se saglasnost na program pružanja usluga komunalne zajedničke potrošnje za 2010. godinu, na području grada Goražda i naselja Vitkovići u iznosu od 180.000,00 KM, koji je uradila Komisija za izradu Programa zajedničke komunalne potrošnje, uređenja grada i ostalih naselja za 2010. godinu na području općine Goražde.

Član 2.

Troškovi pružanja komunalnih usluga predviđeni u članu 1. ove Odluke planirani su u Budžetu Općine Goražde za 2010. Godinu na ekonomskom kodu 613 – 324 Izdaci za usluge održavanja čistoće.

Član 3.

Za provođenje ovog Programa, koji će se realizovati putem nadležnih službi, zadužuje se načelnik Općine Goražde.

Član 4.

Sastavni dio ove Odluke je Program pružanja usluga komunalne zajedničke potrošnje za 2010. godinu sa finasijskim pokazateljima.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-2324

Goražde, 11.05.2010. god.

PREDSJEDAVAJUĆA VIJEĆA

prim.dr.Vesna Nemeć-Klisura

0417

Na osnovu člana 32. Odluke o izvršenju Budžeta Općine Goražde za 2010. godinu („Službene novine Općine Goražde“ broj: 6/10) i članova 18. i 84. Statuta Općine Goražde („Službene novine Bosansko-Podrinjskog Kantona Goražde“ broj: 13/07), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i:**

O D L U K U

o usvajanju Programa utroška novčanih sredstava sa kriterijima raspodjele sredstava, utvrđenih budžetom Općine Goražde za 2010. godinu, na poziciji Izdaci za vojne invalide, ranjene borce i porodice poginulih boraca (boračke populacije) – Ekonomski kod 614-232

Član 1.

Ovom Odlukom usvaja se Program utroška, korisnici, kriteriji i postupak dodjele novčanih sredstava na poziciji Izdaci za vojne invalide, ranjene borce i članove porodica poginulih boraca (boračke populacije), ekonomski kod 614-232 planiranih u Budžetu Općine Goražde za 2010. godinu („Službene novine Općine Goražde“ broj: 6/10).

Član 2.

Budžetom Općine Goražde za 2010. godinu, sredstva iz člana 1. ove Odluke utvrđena su u ukupnom iznosu od 80.000,00 KM.

Član 3.

Period realizacije Programa je 12 mjeseci, od 01.01.2010. do 31.12.2010. godine.

Član 4.**KORISNICI SREDSTAVA**

1. Organizacija porodica šehida Bosansko-podrinjskog kantona i članovi porodica poginulih boraca
2. Savez RVI „Sinovi Drine“ Bosansko-podrinjskog kantona i vojni invalidi
3. Udruženje demobilisanih boraca Bosansko-podrinjskog kantona i demobilisani borci
4. Savez dobitnika najvećih ratnih priznanja Bosansko-podrinjskog kantona i nosioci najvećih ratnih priznanja
5. Druga udruženja iz reda boračkih populacija i članovi tih udruženja
6. Mjesne zajednice za aktivnosti obilježavanja značajnih datuma, mjesta i događaja

Član 5.**CILJ I SVRHA PROGRAMA**

Cilj Programa je da se planirana budžetska sredstva u 2010. godini u iznosu od 80.000,00 KM na poziciji Izdaci za vojne invalide, ranjene borce i porodice poginulih boraca (boračke populacije), planski i transparentno utroše u skladu sa Odlukom o izvršenju Budžeta Općine Goražde za 2010. godinu.

- Pomoć u realizaciji programa, projekata i aktivnosti od značaja za udruženja boračkih populacija, poboljšanje položaja članova udruženja i poboljšanje ambijenta za život i rad boračkih populacija.
- Pomoć u liječenju boračkih populacija i članova njihovih porodica.
- Jačanje opće svijesti i potrebe poštivanja historijski važnih događaja i ličnosti i očuvanje i zaštita tradicionalnih historijskih događaja, kao i organizovanja kulturnih i sportskih aktivnosti.
- Jednokratne novčane pomoći licima iz reda boračkih populacija, koja se nađu u stanju socijalne potrebe, za nabavku osnovnih životnih namirnica, školovanja djece, stambenih pitanja i td.

Član 6.

Ovaj plan je donesen na osnovu izvršenja i utroška planiranih novčanih sredstava u 2009. godini za ove namjene, a sredstva iz člana 2. ove Odluke raspoređuju se za sljedeće namjene:

- I 34.000,00 KM -sufinansiranje rada i aktivnosti temeljnih udruženja boračkih populacija,
- II 25.000,00 KM - pomoć u liječenju i nabavci lijekova boračkih populacija,
- III 9.000,00 KM - obilježavanje značajnih datuma, mjesta, događaja i ličnosti, kulturnih i sportskih aktivnosti i podrška zahtjevima, programima i projektima udruženja boračkih populacija i mjesnih zajednica,
- IV 12.000,00 KM - jednokratne novčane pomoći licima iz reda boračkih populacija koja se nalaze u teškoj materijalnoj situaciji, kao i neplanirani troškovi.

Član 7.**Korisnici, kriteriji i postupak dodjele sredstava prema planu iz člana 6. ove Odluke:**

I Sufinansiranje rada i aktivnosti temeljnih udruženja boračkih populacija u

2010. godini - iznos sredstava 34.000,00 KM:

a) Korisnici sredstava:

Pravo na dodjelu ovih sredstava ostvaruju četiri temeljna udruženja koja imaju sjedište na teritoriji općine Goražde i ista se raspoređuju na sljedeći način:

- 10.000,00 KM Organizaciji porodica šehida i poginulih boraca Bosansko-podrinjskog kantona Goražde,
- 10.000,00 KM Savezu RVI „Sinovi Drine“ Bosansko-podrinjskog kantona Goražde,
- 7.000,00 KM Udruženju demobilisanih boraca Bosansko-podrinjskog kantona Goražde,
- 7.000,00 KM Savezu dobitnika najvećih ratnih priznanja „Zlatni ljiljan“.

b) Kriteriji za dodjelu novčanih sredstava:

Kriterij za dodjelu sredstava je dostavljanje mjesečnih izvještaja korisnika sredstava Službi za boračko-invalidsku zaštitu o namjenski utrošenim sredstvima iz prethodnog mjeseca.

c) Postupak dodjele novčanih sredstava:

Sa korisnicima sredstava načelnik Općine Goražde sačinjit će ugovor o namjenskom prenosu sredstava koji će biti obavezni i implementirati sredstva u skladu sa zakonskim i podzakonskim propisima. Po potpisanom ugovoru, sredstva će se dodijeljivati na prijedlog Službe za boračko-invalidsku zaštitu, kao redovne tranše u mjesečnim iznosima, ravnomjerno raspoređenim prema planu raspodjele.

II Pomoć u liječenju i nabavci lijekova boračkih populacija u 2010. godini - iznos sredstava 25.000,00 KM.

a) Korisnici sredstava:

Pomoć za liječenje mogu ostvariti pripadnici boračkih populacija i uži članovi porodice koji imaju prebivalište na teritoriji općine Goražde i koji se nalaze u teškoj materijalnoj situaciji ili sa minimalnim prihodima koji nisu dovoljni za uspješno liječenje ili nabavku lijekova, a da to isto pravo nisu ostvarili po programima Federalnog i Kantonalnog

Ministarstva za boračka pitanja ili ne mogu ostvariti kod drugih institucija.

b) Posebni kriteriji za dodjelu novčanih sredstava:

Sredstva za liječenje i nabavku lijekova mogu ostvariti lica iz reda boračkih populacija koja nisu u radnom odnosu, koja se ne bave samostalnom djelatnošću, koja su teško oboljela i čije liječenje traje duži period i obavlja se bolnički u Kantonu ili van Bosansko-Podrinjskog kantona Goražde.

Prioritet za dodjelu sredstava imaju lica u slučaju teških bolesti kao što su: maligna oboljenja, hirurške intervencije, oboljenje centralnog nervnog sistema, oboljenje srca, oboljenje mišićnog sistema, paralize i druga teška oboljenja.

c) Postupak dodjele novčanih sredstava:

Pripadnici boračkih populacija mogu ostvariti pravo na pomoć u liječenju i nabavci lijekova jedanput godišnje i to podnošenjem obrazloženog pismenog zahtjeva Službi za boračko-invalidsku zaštitu sa dokumentacijom iz koje se može vidjeti da ispunjavaju posebne kriterije iz ove Odluke i to: dokaz o pripadnosti boračkoj populaciji, dokaz o socijalno-materijalnoj situaciji, medicinska dokumentacija iz 2010. godine sa propisanom terapijom, eventualnim računima o troškovima liječenja i eventualne preporuke udruženja boračkih populacija ili drugih institucija.

Dodjelu sredstava vrši načelnik Općine Goražde na prijedlog Službe za BIZ i komisije koja razmatra podnesene zahtjeve i po potrebi utvrđuje činjenice na licu mjesta i dodatnom provjerom kod drugih organa.

Komisija na osnovu priložene dokumentacije i utvrđivanja činjenica na drugi način utvrđuje opravdanost zahtjeva, visinu sredstava koja se odobravaju za liječenje, hitnost slučaja i socijalno-materijalni status.

Maksimalni iznos novčanih sredstava koji se može odobriti po jednom zahtjevu je do 500,00 KM, a u posebnim slučajevima, kada se radi o težim oboljenjima i dugotrajnom liječenju, na prijedlog Službe za BIZ i komisije i do 2.000,00 KM.

III Obilježavanje značajnih datuma, mjesta, događaja i ličnosti, kulturnih i sportskih manifestacija i podrška zahtjevima, programima i projektima boračkih udruženja i mjesnih zajednica u 2010. godini - iznos sredstava 9.000,00 KM.

a) Korisnici sredstava:

Pravo na dodjelu sredstava mogu ostvariti udruženja boračkih populacija koja su registrovana i imaju sjedišta na teritoriji općine Goražde, mjesne

zajednice i organizacioni odbori koji su formirani za obilježavanje značajnih događaja.

b) Kriteriji za dodjelu novčanih sredstava:

Sredstva se mogu dodijeliti po osnovu podnesenog zahtjeva, programa ili projekta Službi za boračko-invalidsku zaštitu, a zahtjev mora biti obrazložen i priložena dokumentacija i odluke upravnih organa, udruženja, mjesnih zajednica i organizacionih odbora sa projektom i finansijskim planom o ukupnim troškovima te izvori sredstava.

Dodjela sredstava može se odobriti udruženjima boračkih populacija, mjesnim zajednicama i licima čije zahtjeve komisija ocijeni opravdanim i ako se tim zahtjevom ili projektom doprinosi:

-razvoju i afirmaciji Općine Goražde, udruženja ili člana tog udruženja,

-da se zahtjevom ili projektom unapređuju kulturni, sportski ili drugi oblici saradnje ili da se poboljšavaju životni uvjeti boračkih populacija.

Sredstva po ovom osnovu ne mogu ostvariti udruženja, mjesne zajednice i organizacioni odbori koji su dobijali sredstva za svoje zahtjeve ili projekte u prethodnom periodu, a da nisu namjenski utrošili sredstva ili nisu dostavili izvještaj o namjenski utrošenim dobivenim sredstvima.

c) Postupak dodjele novčanih sredstava:

Sredstva se dodjeljuju na osnovu pismeno podnesenog zahtjeva, programa ili projekta Službi za BIZ, koji mora biti obrazložen i sa potpunom dokumentacijom u prilogu, iz koje se može vidjeti opravdanost zahtjeva, programa ili projekta sa finansijskim pokazateljima, izvorom sredstava i ukupnim sredstvima koja su potrebna za realizaciju određenog zahtjeva ili projekta. Zahtjevi i projekti moraju biti potpisani od upravnih organa, udruženja ili mjesnih zajednica.

Maksimalni iznos novčanih sredstava po jednom zahtjevu, programu ili projektu je do 2.000,00 KM.

Sredstva odobrava načelnik Općine Goražde na pismeni prijedlog Službe za BIZ i komisije koja razmatra prispjele zahtjeve i daje svoje mišljenje.

IV Jednokratne novčane pomoći licima iz reda boračkih populacija koja se nalaze u teškoj materijalnoj situaciji, kao i neplanirani troškovi u 2010. godini - iznos sredstava 12.000,00 KM.

a) Korisnici sredstava:

Pravo na dodjelu sredstava mogu ostvariti lica iz reda boračkih populacija koja se nalaze u stanju socijalne potrebe i koja imaju prebivalište na području općine Goražde.

b) Kriteriji za dodjelu novčanih sredstava:

Pripadnici boračkih populacija mogu ostvariti jednokratnu novčanu pomoć ako se podnosioc zahtjeva i članovi uže porodice ne nalaze u radnom odnosu, ako nemaju redovna mjesečna primanja po drugom osnovu koja mogu zadovoljiti osnovne životne potrebe, ako su radno sposobni, a nemaju u vlasništvu obradivo poljoprivredno zemljište i automobil.

c) Postupak dodjele novčanih sredstava:

Sredstva se dodjeljuju na osnovu podnesenog zahtjeva od strane lica iz reda boračkih populacija, udruženja boračkih populacija i mjesnih zajednica, ako podnose zahtjev za jednokratnu novčanu pomoć u ime svojih članova. Zahtjev mora biti obrazložen i dostavljena dokumentacija kao prilog iz koje se može vidjeti opravdanost zahtjeva.

Maksimalni iznos novčanih sredstava je 300,00 KM po jednom zahtjevu.

Sredstva odobrava načelnik Općine Goražde na pismeni prijedlog Službe za BIZ i komisije koja razmatra prispjele zahtjeve i daje svoje mišljenje o opravdanosti zahtjeva.

Član 8.

Načelnik Općine Goražde imenuje komisiju za ocjenu ispunjavanja uvjeta za dodjelu sredstava po ovoj Odluci. Komisija će brojati do 5 (pet) članova od predstavnika Službe za BIZ i udruženja boračkih populacija.

Član 9.

Komisija uvidom u priloženu dokumentaciju, utvrđivanjem činjenica na licu mjesta ili na neki drugi način cijeni opravdanost svakog zahtjeva pojedinačno i o tome sastavlja zapisnik o bitnim činjenicama i na osnovu kriterija iz Odluke donosi zaključak.

Član 10.

Za provođenje ove Odluke zadužuju se načelnik Općine Goražde, Služba za boračko-invalidsku zaštitu i Služba za finansije, privredu i mjesne zajednice, svako u okviru svoje nadležnosti.

Član 11.

Načelnik Općine Goražde u skladu sa članom 16. Odluke o izvršenju Budžeta Općine Goražde za 2010. godinu zbog neusklađenosti priliva sredstava može izmijeniti dinamiku doznake sredstava po pojedinim stavkama iz ove Odluke.

Član 12.

O utrošku sredstava dodjeljenih po osnovu ove Odluke, Služba za boračko-invalidsku zaštitu podnosi izvještaj načelniku Općine Goražde i Općinskom vijeću.

Član 13.

Ova Odluka stupa na snagu 8. (osmog) dana od dana objavljivanja u „Službenim novinama Općine Goražde“.

Broj: 01-02-2322

Goražde, 11.05. 2010. godine.

PREDSJEDAVAJUĆA VIJEĆA

prim.dr.Vesna Nemeć-Klisura

ZAKLJUČCI**0418**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **donosi:**

Z A K L J U Č A K

1. Usvaja se Izvještaj o realizaciji zaključaka sa predhodne sjednice Općinskog vijeća Općine Goražde (17, 18. i 19. Sjednica).
2. Zaključak stupa na snagu danom donošenja.

Broj: 01-05-2327

Goražde, 11.05.2010. godine

0419

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **donosi:**

Z A K L J U Č A K

1. Da se na jednoj od narednih sjednica Općinskog vijeća Općine Goražde razmatra Izvještaj o izvršenju Programa pružanja usluga komunalne zajedničke potrošnje za 2009. godinu na području grada Goražda i naselja Vitkovići.
2. Zaključak stupa na snagu danom donošenja.

Broj: 01-05-2329

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0420

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na nastavku dvadesete redovne sjednice, održanom dana 07.05.2010. godine, **d o n o s i**:

Z A K L J U Č A K

1. Zadužuje se Služba za privredu, finansije i mjesne zajednice da utvrdi način na koji se obračunava naknada za potopljeno zemljište i da se više angažuje na praćenju obračuna i naplate prihoda.
2. Zadužuje se načelnik Općine Goražde da formira komisiju za utvrđivanje stvarne površine potopljenog zemljišta od strane HE Višegrad.
3. Rok za realizaciju ovog Zaključka je 60 dana.
4. Zaključak stupa na snagu danom donošenja.

Broj: 01-05-2381

Goražde, 15.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0421

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i**:

Z A K L J U Č A K

1. Usvaja se Izvještaj o radu Općinske izborne komisije Općine Goražde sa finansijskim izvještajem za 2009. godinu.
2. Zaključak stupa na snagu danom donošenja.

Broj: 01-05-2333

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0422

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i**:

Z A K L J U Č A K

1. Zadužuje se JKP „6. mart“ d.o.o. Goražde, kome je gradsko groblje u Kolijevka povjereno na upravljanje, da uradi pristupne puteve unutar gradskog groblja.
2. Zaključak stupa na snagu danom donošenja.

Broj: 01-05-2328

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0423

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na nastavku dvadesete redovne sjednice održanom dana 07.05.2010. godine, **d o n o s i**:

Z A K L J U Č A K

1. Zadužuje se načelnik Općine Goražde da izradi i dostavi Općinskom vijeću Općine Goražde nacrt Odluke o izmjenama i dopunama kriterija za dodjelu općinskih stipendija kojom bi se posebno definisalo sljedeće:
 - način dodjele stipendija,
 - iznos stipendija,
 - zanimanja od interesa za Općinu Goražde,
 - da se definišu uvjeti za dodjelu stipendija za master studij i doktorski studij.
2. Rok za realizaciju ovog Zaključka je 22. redovna sjednica Općinskog vijeća.
3. Zaključak stupa na snagu danom donošenja.

Broj: 01-05-2386

Goražde, 14.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0424

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i:**

Z A K L J U Č A K

1. Da se na jednoj od narednih sjednica Općinskog vijeća Općine Goražde razmatra Izvještaj o izvršenju Programa uređenja grada i ostalih naselja za 2009. godinu.
2. Zaključak stupa na snagu danom donošenja.

Broj: 01-05-2330

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0425

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i:**

Z A K L J U Č A K

1. Usvaja se Izvještaj o radu Općinskog pravobranilaštva Općine Goražde za 2009. godinu.
2. Zaključak stupa na snagu danom donošenja.

Broj: 01-05-2334

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0426

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i:**

Z A K L J U Č A K

1. Izvještaj o radu načelnika Općine Goražde i općinskih službi za 2009. godinu vraća se na doradu, uz obavezu da se ponudi na sljedećoj sjednici Vijeća

- u vidu prečišćenog teksta sa svim primjedbama koje su iznesene u toku rasprave na 20. redovnoj sjednici.
2. Zaključak stupa na snagu danom donošenja.

Broj: 01-05-2332

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0427

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na nastavku dvadesete redovne sjednice, održanoj dana 07.05.2010. godine, **d o n o s i:**

Z A K L J U Č A K

1. Usvaja se Izvještaj o izvršenju Budžeta Općine Goražde za period 01.01.2009. godine – 31.12.2009. godine.
2. Zaključak stupa na snagu danom donošenja.

Broj: 01-05-2335

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0428

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadesetoj redovnoj sjednici, održanoj dana 06.05.2010. godine, **d o n o s i:**

Z A K L J U Č A K

1. Zadužuje se Komisija za statutarna pitanja i propise da zajedno sa predlagачem amandmana na Odluku o držanju pasa, registraciji i načinu postupanja s neupisanim, napuštenim i izgubljenim psima, naknadno dostavi nadležnoj službi zapisnik, odnosno izvještaj o podnesenim amandmanima.
2. Zaključak stupa na snagu danom donošenja.

Broj: 01-05-2331

Goražde, 11.05.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

SADRŽAJ

	O D L U K U	
0409	o držanju pasa, registraciji i načinu postupanja s neupisanim, napuštenim i izgubljenim psima	129
0410	O D L U K U o bratimljenju Općine Goražde sa Općinom Gungoren – Turska	133
0411	ODLUKU o davanju saglasnosti na Program razvoja zaštite i spašavanja od prirodnih i drugih nesreća u Općini Goražde za razdoblje od 2010. do 2014. godine	133
0412	O D L U K U o usvajanju Programa utroška novčanih sredstava sa ekonomskog koda 614 – 117 - grantovi mjesnim zajednicama u 2010. godini	134
0413	O D L U K U o usvajanju Programa uređenja grada i ostalih naselja u 2010. godini	134
0414	O D L U K U o bratimljenju Općine Goražde sa Općinom Kecioren – Turska	135
0415	O D L U K U o prihvatanju inicijative Grada Saint- Brieuc (Francuska) za potpisivanje povelje o saradnji i prijateljstvu sa Općinom Goražde	135
0416	O D L U K U o usvajanju Programa pružanja usluga komunalne zajedničke potrošnje za 2010. godinu na području grada Goražda i naselja Vitkovići	136
0417	O D L U K U o usvajanju Programa utroška novčanih sredstava sa kriterijima raspodjele sredstava, utvrđenih budžetom Općine Goražde za 2010. godinu, na poziciji Izdaci za vojne invalide, ranjene borce i porodice poginulih boraca (boračke populacije) – Ekonomski kod 614-232	136
0418	ZAKLJUČCI	139

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik: sekretar Općinskog vijeća Općine Goražde, Samir Kanlić tel: +38738221161 i pomoćnik načelnika Službe za javne servise i tehničke poslove, Sanid Zirak tel: +38738221796.

Štampa **GRAFOMERX** Goražde.